



Jumat, 30 April 2021  
Ogen: Galatia 6:9-10



La erleja-leja



**L**akukanlah satu hal yang menurut anda tidak bisa anda lakukan, ketika gagal coba lagi, lakukanlah yang lebih baik untuk kedua kalinya, satu satu nya orang yang tidak pernah jatuh adalah mereka yang tidak pernah memasang garis yang tinggi. Inilah saatnya bagi anda, milikilah saat ini. I bas masa-masa pandemi bagenda melala kita si ngelabuh, kai nari lah bahan usaha encukupi keperluan nggeluh, sebab pendahin ras pendapaten enggo kurang. Keperluan nukur paket data ras gizi makanan bertambah.

Renungenta wari enda mereken sada motivasi man banta gelah kita la erleja-leja, terus mencoba sada-sada pendahin, di kune gagal ula mis putus asa, cubaken ka ras lakoken si terulin. Tupung lit denga kesempatan wari enda, terus mencoba. La mungkin la ruluh adi usur-usur tapi terus erlajar erbahan si terulin. Kata Dibata pe ngajuk kita kerna sie bagi siikatakan Paulus i bas ogenta enda. Emaka ola min kita erleja-leja erbahan si mehuli, sebab adi tetap tutus ateta ndalanken si e, seh me paksana si perani ulihna.

Erbahan mehuli e mbages ras melala pengertinna; sipemena, erbahan mehuli bas pendahin, jujur, ertanggungjawab, transparan, la perkiat, dingentutut. Sipeduaken i bas relasi ras teman, nggit nampati alu la ersemulih, nampati subuk bas ekonomi, waktu, tenaga, ermediate nandangiteman ras sekelewet, la egois, ermeteruk ukur ras nggit ngalemi salah. Sipelueluken i bas usaha, terus menerus berinovasi, Lit saja perubahkan-perubahkan ku si terulin. Adi kin ndai i bas kuliner, reh buena nanam, jenis, bagepe kualitasna. Adi bas juma, reh mehulina kualitas sinuan-sinuan, la pe mbelang tapi banci mbue ulihna. Bagepe bas usaha-usaha si deban. Si perlu semangat ras jujur. Sipeempatkan mehuli man anak jabu. Ermediate kerna keperluan geluh anak-anak, mediate bas tumbuh kembangna, karakterna ras tetap lit komunikasi si mehuli.

Biak si mehuli e rehna i bas Dibata nari, ipesusurna man kita kerina si malang man baNa. Biak mehuli e enggo mendarah daging i bas geluhta erkiteken Kesah Si Badia. Biak e teridah me arah perbahanen, ras pendahinta. La murah leja eme tanda sipebelin biak mehuli.